



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTK 0022278 22

Sarajevo, 05.12.2022. godine

SUD BOSNE I HERCEGOVINE
- Sudija za prethodno saslušanje -

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine (ZKP BiH), **podizem**

OPTUŽNICU

Protiv:

██████████ Radetić Nenada, ██████████ rođenog ██████████ 1967. godine u Banja Luci, ██████████
██████████
██████████
██████████

██████████ Tepić Jugoslava, ██████████ rođenog ██████████ 1981. godine u Gradišci, ██████████
██████████
██████████
██████████

Zbog toga što su:

Dana 16.10.2020. godine oko 07:00 sati, na Međunarodnom graničnom prijelazu „Gradiška“ između Bosne i Hercegovine i Republike Hrvatske, područje opštine Gradiška, obavljajući poslove i zadatke ovlaštenih službenih osoba – policajaca Granične policije BiH – na poslovima granične kontrole lica i vozila na ulazu iz Republike Hrvatske u Bosnu i Hercegovinu, vršeci kontrolu pmv vozila marke „VW“, reg. oznaka ██████████, i lica koja su se nalazila u ovom vozilu, državljana R Austrije, ██████████ od imenovanih zatražio na uvid COVID test, a kada su oni rekli da isti ne posjeduju, zajedno sa Tepić Jugoslavom, postupajući s namjerom da za novčanu korist u okviru svoje funkcije izvrše ono što ne bi smjeli izvršiti i omoguće ovim licima ulazak u BiH, iako isti nisu ispunjavali zakonske

uslove u skladu sa članom 2. Odluke o propisivanju dodatnih uslova za ulazak stranaca u BiH (Sl. glasnik BiH, broj 57/20) koja je stupila na snagu 12.09.2020. godine, Radetić Nenad im rekao da se sa vozilom pomjere u desnu saobraćajnu traku, namjenu za vršenje detaljnije kontrole osoba, vozila i robe, da bi im nakon toga prišao Tepić Jugoslav, te ih upitao da li imate: „bijeli papir“, te dodao da je potrebno da ovaj papir pripreme i odnesu u kontrolnu kućicu, zahtjevajući na navedeni način od imenovanih davanje novčane koristi kako bi im omogućili nezakonit ulazak u BiH, nakon čega je otišao u kontrolnu kućicu, da bi potom [REDACTED] u preklopljeni papir stavili novčanicu u iznosu od 100,00 Eura, koju je [REDACTED] u ovom papiru odnio do kontrolne kućice i u prisustvu Tepić Jugoslava predao Radetić Nenadu, a on im nakon što je uzeo navedeni novac rekao: „u redu je, ako vas neko nešto pita recite da ste pokazali COVID test i da ste ga ostavili na granici“, nakon čega su im omogućili nezakonit ulazak u BiH.

Dakle, zajedno kao službene osobe u institucijama BiH zahtijevale i primile novčanu korist za sebe da u okviru svoje funkcije izvrše ono što ne bi smjeli izvršiti,

Čime su počinili, krivično djelo Primanje dara i drugih oblika koristi iz člana 217. stav 1. KZ BiH, u vezi sa članom 29. istog Zakona.

TUŽILAŠTVO BiH
TUŽILAC